

შპს გურამ თავართქილაძის სახელობის თბილისის სასწავლო
უნივერსიტეტის რექტორის

ბრძანება № 01-01/30

ქ. თბილისი

23 მაისი 2020

შპს გურამ თავართქილაძის სახელობის თბილისის სასწავლო უნივერსიტეტის რექტორის
2020 წლის 22 აპრილის №01-01/24 ბრძანებაში ცვლილების განხორციელების შესახებ

საქართველოს მთავრობის 2020 წლის 22 მაისის N321 დადგენილების „საგანმანათლებლო დაწესებულებებში სასწავლო პროცესის განხორციელების შესახებ“, საქართველოს მთავრობის 2020 წლის 23 მაისის N322 დადგენილების „იზოლაციისა და კარანტინის წესების შესახებ“, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანების შესაბამისად დამტკიცებული დანართი 17-ის „ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები უმაღლესი საგანმანათლებლო დაწესებულების ლაბორატორიებისა და შიდა საგამოცდო ცენტრებისთვის“ და შპს გურამ თავართქილაძის სახელობის თბილისის სასწავლო უნივერსიტეტის დებულების მე-10 მუხლის 10.6 პუნქტის „ი“ ქვეპუნქტის საფუძველზე, შპს გურამ თავართქილაძის სახელობის თბილისის სასწავლო უნივერსიტეტის რექტორის 2020 წლის 22 აპრილის №01-01/24 ბრძანებით განსაზღვრული სასწავლო პროცესის (კონტაქტური სწავლება) დაწყების ვადის გაგრძელებისა და სწავლების დისტრავგიურად და არასიტანციურად განხორციელების წესის განსაზღვრის მიზნით

ვ ბ რ ძ ა ნ ე ბ

1. ვბრძანებ საქართველოს მთავრობის 2020 წლის 23 მაისის N322 დადგენილებით „იზოლაციისა და კარანტინის წესების შესახებ“ მე- 3 მუხლით შესაბამისად შპს გურამ თავართქილაძის სახელობის თბილისის სასწავლო უნივერსიტეტში სასწავლო პროცესი უნდა განხორციელდეს დისტანციური სწავლების/კომუნიკაციის სხვადასხვა ფორმის გამოყენებით რექტორის ბრძანებით დამტკიცებული „შპს გურამ თავართქილაძის სახელობის თბილისის სასწავლო უნივერსიტეტის საგანმანათლებლო პროგრამებზე დისტანციურ რეჟიმში ელექტრონული ფორმით სწავლების განხორციელებისა და ადმინისტრირების წესი“-ს შესაბამისად.
2. საქართველოს მთავრობის 2020 წლის 23 მაისის N322 დადგენილებით „იზოლაციისა და კარანტინის წესების შესახებ“ მე- 3 მუხლის შესაბამისად პრაქტიკულ/ლაბორატორიული სამუშაოები და გამოცდები შესაძლებელია ჩატარდეს არადისტანციურად (ფიზიკურად).
3. პრაქტიკულ/ლაბორატორიული სამუშაოებისა და გამოცდების ჩატარების მიზნით აუცილებელია „სამუშაო ადგილებზე ახალი კორონავირუსის (COVID-19) გავრცელების თავიდან აცილების მიზნით რეკომენდაციების დამტკიცების

თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანების შესაბამისად დამტკიცებული დანართი 17-ით „ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები უმაღლესი საგანმანათლებლო დაწესებულების ლაბორატორიებისა და შიდა საგამოცდო ცენტრებისთვის“ განსაზღვრული რეკომენდაციების გათვალისწინებით.

4. ახალი კორონავირუსით (SARS-CoV-2) გამოწვეულ ინფექციასთან (COVID-19) პრევენციასთან დაკავშირებული მოთხოვნების შესრულება დაევალოს ზედამხედველი ჯგუფის შემდეგ წევრებს:

- ა. გიორგი ჩიხლაძეს;**
- ბ. გიორგი სიხუაშვილს;**
- გ. თამარ გეგელაშვილს;**
- დ. მათა სალიას.**

5. შპს გურამ თავართქილაძის სახელობის თბილისის სასწავლო უნივერსიტეტიში არადისტანციურად სწავლების განხორციელების მიზნით გათვალისწინებული იქნებაშემდეგი რეკომენდაციები:

ძირითადი რეკომენდაციები:

- პედაგოგებისა და სტუდენტების მიღება სასწავლო დაწესებულებაში უზრუნველყავით წინასწარ განსაზღვრული გეგმის/ცხრილის მიხედვით;
- წინასწარ განსაზღვრეთ პედაგოგებისა და ცვლებში მისაღები სტუდენტების რაოდენობა ისე, რომ უზრუნველყოთ სამუშაო ფართის ყოველ 5მ² ფართობზე 1 (ერთი) ადამიანის დაშვება;
- უზრუნველყავით ნაკადის კონტროლი უსაფრთხო დისტანციის დაცვით (არაუმცირეს 2მ);
- უზრუნველყავით სტუდენტთა განთავსება სასწავლო მაგიდებთან იმგვარად, რომ არ აღმოჩნდნენ ერთმანეთისა და პედაგოგის პირისპირ;
- ერთიან შესასვლელთან განხორციელეთ თერმოსკრინინგი, რათა გააკონტროლოთ როგორც პედაგოგთა, ასევე სტუდენტთა ჯანმრთელობის მდგომარეობა ტემპერატურის გაზომვით. ცხელების დაფიქსირების შემთხვევაში მოახდინეთ აღრიცხვა და დაუყოვნებლივ მიმართეთ 112-ის ცხელ ხაზს;
- სასწავლო დაწესებულებისა და სასაბუღალტრო შესასვლელში განათავსეთ დეზობარიერი, შესაბამისი სავალდებულო ნიშნის მითითებით;
- თვალსაჩინო ადგილას გამოაკარით ინფორმაცია COVID-19 ვირუსთან დაკავშირებული პრევენციული ღონისძიებების შესახებ;
- უზრუნველყავით პედაგოგთა და სტუდენტთა დაშვება სასწავლო დაწესებულებაში მხოლოდ ინდივიდუალური დაცვის საშუალებებით (ნიღბები, საჭიროების შემთხვევაში სახის ფარები/დამცავი სათვალეები);
- უზრუნველყავით პედაგოგები და სტუდენტები ხელის დაბანის გამართული საშუალებებით (ხელსაბანი ნიჟარა, თხევადი საპონი და ხელის გასამშრალეელი ერთჯერადი ხელსახოცები);
- სამუშაო ადგილებზე განათავსეთ ხშირად შეხებადი ზედაპირების დასამუშავებელი სადეზინფექციო საშუალებები და უზრუნველყავით მათი სწორად მოხმარების პრაქტიკა (შესაბამისი წესების შემუშავება და პედაგოგების/სტუდენტების ინფორმირება/ტრენინგები);
- პერიოდულად, დღეში რამდენჯერმე, უზრუნველყავით სამუშაო სივრცეების ბუნებრივი ვენტილაცია;

- უზრუნველყავით გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღება და განკარგვა მოახდინეთ ერთჯერადი ხელთათმანების გამოყენებით. უზრუნველყავით ასეთი ნარჩენების დროული გატანა შესაბამისი პირის/სამსახურის მიერ;
- უზრუნველყავით საერთო სამუშაო ფართის ყოველდღიური დეზინფექცია;
- უზრუნველყავით სახელურების, ლიფტის ღილაკების, მოაჯირების, კარების სახელურების და ხშირად გამოყენებული ზედაპირების სანიტარული დამუშავება პერიოდულად (2 საათიანი ინტერვალებით);
- უზრუნველყავით სანიტარული წერტილების პერიოდული დეზინფექცია.

ვალდებულებები სასწავლო ლაბორატორიებისთვის:

- პედაგოგები სამუშაო ადგილას გამოცხადდნენ წინასწარ შედგენილი ცხრილის მიხედვით;
- სამუშაო ფართის ყოველ 5მ² ფართობზე დაუშვით მხოლოდ 1 (ერთი) ადამიანი;
- პედაგოგები და სტუდენტები მაგიდებთან არ განათავსოთ ერთმანეთის პირისპირ;
- გამოიყენეთ პედაგოგებისა და სტუდენტებისთვის ცვლებში მუშაობის რეჟიმი;
- ინტენსიურად გამოიყენეთ ბუნებრივი ვენტილაცია;
- უზრუნველყავით სამუშაო ადგილზე ხელის პერიოდული დეზინფექციისთვის საჭირო სულ მცირე, 70% ალკოჰოლის შემცველი ხელის დასამუშავებელი ხსნარის განთავსება;
- არ დაუშვათ სამუშაო სივრცეში პედაგოგები და სტუდენტები, სამუშაოს სპეციფიკიდან გამომდინარე, აუცილებელი ინდივიდუალური დაცვის საშუალების გარეშე, მათ შორის:
 - ნიღაბი;
 - ხელთათმანი;
 - სახის დამცავი ფარი;
 - საჭიროების შემთხვევაში, ბახილები;
 - სპეც. ტანსაცმელი/ხალათი;

○ უზრუნველყავით გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღება და განკარგვა მოახდინეთ ერთჯერადი ხელთათმანების გამოყენებით. უზრუნველყავით ასეთი ნარჩენების დროული გატანა შესაბამისი პირის/სამსახურის მიერ.

ვალდებულებები საგამოცდო ცენტრებისთვის:

- გამოცდაზე სტუდენტების მიღება უზრუნველყავით იმგვარად, რომ დაკავებული იყოს სამუშაო ფართის 50%;
- მაგიდების განლაგებისას გამოიყენეთ პრინციპი: სამუშაო სივრცის ყოველ 5მ² ფართობზე დაუშვით მხოლოდ 1 (ერთი) ადამიანი;
- არ დაუშვით საგამოცდო ცენტრში პედაგოგები და სტუდენტები ინდივიდუალური დაცვის საშუალებების გარეშე;
- სტუდენტები მაგიდებთან არ განათავსოთ ერთმანეთის პირისპირ;
- საგამოცდო ცენტრში სტუდენტების მისაღებად გამოიყენეთ ცვლებში მუშაობის რეჟიმი;
- ყოველი ცვლის შემდგომ გამოიყენეთ სანიტარული შესვენება;
- უზრუნველყავით საგამოცდო დარბაზის შესასვლელში ხელის დეზინფექციისთვის საჭირო სულ მცირე, 70% ალკოჰოლის შემცველი ხელის დასამუშავებელი ხსნარის განთავსება;

o უზრუნველყავით გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღება და განკარგვა მოახდინეთ ერთჯერადი ხელთათმანების გამოყენებით. უზრუნველყავით ასეთი ნარჩენების დროული გატანა შესაბამისი პირის/სამსახურის მიერ.

პედაგოგთა და სტუდენტთა ვალდებულებები:

- o დაიცავით ჰიგიენის წესები სასწავლო ორგანიზაციის სივრცეში;
- o გამოიყენეთ სრულად ინდივიდუალური დაცვის საშუალებები;
- o ჩაიტარეთ ხელების ადეკვატური ჰიგიენა (სპირტის შემცველი ხელის საწმენდი საშუალებების გამოყენება იმ შემთხვევაში, როცა ვერ ხერხდება ხელების დაბანა. ხილული დაბინძურების, ან ბიოლოგიური სითხეების მოხვედრისას ხელების წყლითა და საპნით დაბანა სავალდებულო წესით);
- o მოერიდეთ ხელებით თვალებზე, ცხვირზე და პირზე შეხებას. მუშაობის პერიოდში უზრუნველყავით თმის შეკვრა/მჭიდროდ დამაგრება, რათა მაქსიმალურად შეიზღუდოს თმის სახის ზედაპირთან შეხება (შესაძლებელია ჩაჩის, ან სპეციალური თავსაბურავის გამოყენება).

6. ახალი კორონავირუსით (SARS-CoV-2) გამოწვეულ ინფექციასთან (COVID-19) პრევენციასთან დაკავშირებული მოთხოვნების შესრულების კითხვარის შევსებაშესაბამისი სამსახურების მიერ მოწოდებული ინფორმაციების საფუძველზე განხორციელდეს უმოკლეს ვადაში.

7. ახალი კორონავირუსით (SARS-CoV-2) გამოწვეულ ინფექციასთან (COVID-19) პრევენციასთან დაკავშირებული მოთხოვნების შესრულების შემოწმების მიზნით აღრიცხვის, ტრანსპორტირებისა და ინსტრუქტაჟების ჩატარების რეგისტრაციის ჟურნალების ფორმების შემუშავება დაევალოს უნივერსიტეტის ექიმს.

8. ახალი კორონავირუსით (SARS-CoV-2) გამოწვეულ ინფექციასთან (COVID-19) პრევენციასთან დაკავშირებული მოთხოვნების შესრულების მიზნით ჩატარებული და ჩასატარებელი ტრენინგების უზრუნველყოფა დაევალოს უნივერსიტეტის ექიმს, რომელიც ვალდებულია უნივერსიტეტის თანამშრომლებს მიაწოდოს ინფორმაცია ისეთ საკითხებზე, როგორცაა:

- ა. ზოგადი ინფორმაცია ვირუსის, მისი გავრცელების და დაინფიცირების გზების შესახებ.
- ბ. სამუშაო ადგილზე ინდივიდუალური დაცვის საშუალებების, მათი გამოყენების, მნიშვნელობის და გამოყენებული იდს-ების განთავსების/მოცილების შესახებ.
- გ. სამუშაო ადგილზე უსაფრთხოდ მუშაობის პროცედურების და ვირუსისაგან თავის დაცვის გზების შესახებ.
- დ. სამუშაო ადგილებზე საგანგებო სიტუაციებში მოქმედების, მათ შორის დასაქმებულის მიერ მის, ან სხვა თანამშრომლისათვის ვირუსისათვის დამახასიათებელი სიპტომების დაფიქსირების შემთხვევაში მოქმედების შესახებ.

9. ტრენინგების ჩატარებაზე პასუხისმგებელი პირი ვალდებულია თანამშრომელთა ინსტრუქტაჟი ჩაატაროს ყველა არსებულ თანამშრომელთან სამუშაოს დაწყების წინ და ყველა ახალ თანამშრომელთან, ასევე ყველა იმ დასაქმებულთან განმეორებით, რომელიც არ იცავს სამუშაო ადგილზე ვირუსის პრევენციის მიზნით დადგენილ წესებს. აუცილებელია ყველა ინსტრუქტაჟი ოქმში ასახვა, რომელსაც ხელს აწერს ტრენერი და მდივანი. და ტრენინგის მონაწილეების გატარება მოხდეს ინსტრუქტაჟის ჟურნალში.

10. კანცელარიამ უზრუნველყოს ამ ბრძანების გაცნობა დაინტერესებული პირებისა და შესაბამისი სტრუქტურული ერთეულებისათვის.

11. ფაკულტეტებმა უზრუნველყონ წინამდებარე ბრძანების შესახებ სტუდენტებისა და პერსონალის ინფორმირება.
12. უნივერსიტეტის ოფიციალურ ვებ-გვერდზე ბრძანების განთავსება დაევალოს ვებ-გვერდის ადმინისტრირებაზე პასუხისმგებელ პირს.
13. ბრძანება ძალაში შევიდეს ხელმოწერისთანავე.

**შპს გურამ თავართქილაძის სახელობის
თბილისის სასწავლო უნივერსიტეტის
რექტორი, პროფესორი**

გიორგი მათიაშვილი